

FOTO: Simbol Banja Luke: Počele pripreme za obnovu najstarije sahat-kule u BiH

16/02/2016 17:43 by Administrator

Medisa Islamske zajednice Banja Luka planira obnovu sahat-kule, vakufa Ferhat-paše Sokolovića, koja se od 1587. do 1993. godine nalazila u neposrednoj blizini Ferhat-pašine džamije u Banjaluci. "Prva izgrađena sahat-kula u Bosni i Hercegovini jeste naša, banjalučka koja je vakuf Ferhat-paše Sokolovića. Našalost i ona je 1993. godine srušena.

FOTO:

Ono što ja mogu kazati u ime Medisa Islamske zajednice jeste da smo mi na fonu da ovaj kompleks uz Ferhadiju džamiju završimo u potpunosti. Sanirali smo administrativne prostorije Medisa Islamske zajednice Banja Luka, džamija je hvala Allahu dž. ranije urađena, završena je i ostaje sahat kula, odnosno lokacija na kojoj je ona bila. Ta lokacija ostaje da se izgradi i da taj projekat završimo", izjavio je Muhedin ef. Spahić, glavni imam Medisa Islamske zajednice Banja Luka.

Objasnio je da je u plan i program Medisa za 2016. godinu uvrštene aktivnosti izgradnje, rekonstrukcije i obnove sahat-kule koja je izgrađena 1587. godine, a ti planovi usvojeni su na sjednicama Izvršnog odbora Medisa i Skupštine Medisa koja se održava redovno jednom godišnje.

Kompleks nepotpun bez sahat-kule

"Ono što jeste zanimljivo, jeste da je lokalitet već spreman za gradnju i ono što je bitno je da smo ostatke sahat-kule zajedno sa ostacima džamije koji su ugrađeni u džamiju pronašli i to našuvamo na našoj lokaciji, vakufskoj parceli u naselju Vrbanja", rekao je Spahić.

Za ponovnu izgradnju sahat-kule potrebno je oko 100 metara kubnih kamena, a od stare kule pronađeno je oko 50 posto materijala kojeg je prije ugradnje provjeriti stručnjaci. Nakon rušenja pronađen je i sačuvan satni mehanizam, što bi također trebalo olakšati obnovu.

"Na nama je obaveza prvenstveno Medisa Islamske zajednice Banja Luka, Islamske zajednice u cjelini s jedne strane, a s druge strane gradskih vlasti, entitetskih i državnih vlasti da se svi uključe i da ovaj projekat završimo", rekao je Spahić.

Naglasio je da kompleks oko Ferhadije džamije nije potpun ako se ne obnovi sahat-kula, jer se uz taj prostor već ona, institucija muvekiti, mjerenja tačnog vremena i kada se uzmu razglednice stare Banja Luke obavezno se tu nalazili minaret džamije Ferhadije i sahat-kula.

"Ona je biti ako Bog da na usluzi ne samo vjernicima muslimanima nego i svim građanima ovdje u Banjoj Luci. Nadamo se ako Bog da da ćemo uspjeti u ovom projektu", kazao je Spahić.

Objasnio je da je riječ o složenom projektu, da su određene radnje već poduzete, ali je teško procijeniti kada bi sahat-kula mogla biti završena.

Banjalučki Big Ben

Armin Džindo, rukovodilac gradilišta Ferhadije objasnio je da zbog sanacije 1985.-1986. godine u sahat-kulu bilo ugrađeno više vrsta kamena. Prvobitno izgrađena od takozvane pješčane sedre, u obnovi nakon zemljotresa u Banjoj Luci dobila je i kvalitetniji kamen.

"Osnova sahat-kule po dokumentaciji koju imamo i po sanaciji iz 1986. godine i po aerofotogrametrijskim snimcima što imamo potkrepljeno sa geodetskim mjerenjima u osnovi je 3,20 x 3,30 metara, osnova je u obliku kvadrata, a zidovi su debljine 70 centimetara", kazao je Džindo.

Prema njegovim riječima u vrijeme rušenja sahat-kula bila je visoka 18,90 metara, ali što je tokom vremena nakon izgradnje bila ukopana nabacivanjem slojeva zemljišta prema prvim mjerenjima bila je visoka između 20 i 21 metar, što je potvrđeno iskopinama iza potresa 1970. godine".

O uspješnosti projekta obnove na kraju je prema riječima Džinde suditi ljudi koju su zapamtili kako je izgledala sahat-kula, ali i na osnovu fotografija, obzirom da je bila est motiv na razglednicama Banjaluke.

"Sada da ne poredim veliki Big Ben u Londonu, ali za nas je, malu arhiju to bio svojevrsan Big Ben, jer se sav život odvijao u centru Banja Luke uz Ferhadiju džamiju, kada pričamo o zašecima Banja Luke", kazao je Džindo i dodao da je razvoj Banje Luke krenuo od tog mjesta.

Komisija za očuvanje nacionalnih spomenika BiH područje je i ostatke sahat-kule, istorijske građevine, proglasilo je nacionalnim spomenikom BiH.

Izvor vijesti: klix.ba